

PLAN I PROGRAM RADA J.P. VETERINARSKA STANICA MAGLAJ d.o.o.
za 2022. godinu

J.P. Veterinarska stanica Maglaj nastavit će sa aktivnostima zdravstvene zaštite životinja kao i u proteklom periodu. Obzirom da smo u dosadašnjem periodu u protekle 3 godine imali stalni trend smanjenja stočnog fonda čini se po rezultatima iz 2021. god da je došlo do blagog smirivanja erozije stočnog fonda na teritoriji općine Maglaj. Neke od farmi su potpuno ugašene tako da veterinarska stanica iznalazi rješenja da svoju aktivnost preusmjeri na druge izvore prihoda što je i rađeno u posljednjoj godini. Moramo naglasiti da je kao uostalom i na ostatak privrede Covid-19 pandemija imala značajan negativni uticaj na rad, poslovanje i daljnji razvitak veterinarske službe na našoj općini. Za nadati je se da će i po pitanju covid-pandemije doći do poboljšanja i da je Pandemija pri kraju.

Iz naših finansijskih rezultata za prethodni period vidljivo je da je iz godine u godinu rastao naš bruto prihod tako da nam je cilj da takav trend održati i u 2022. godini. Nismo uspjeli da realizujemo plan koji smo zacrtali u početku 2021. te se iskreno nadamo da ćemo uspjeti realizirati ga u 2022. Ovdje spomenuto uglavnom se odnosi na saradnju sa fondacijom Dog Trust čiji je projekat odložen zbog novonastale situacije sa Covid pandemijom i na polju vakcinacije malih preživara zbog nedovoljnog broja vakcine koju smo dobili u 2020. Započeta edukacija kadrova u okviru projekta Dog Trust prekinuta je i odložena za juni 2021. A naknadno i za 2022.gadinu

- Plan ostvarivanja dijagnostičkih ispitivanja na brucelozu i enzootsku goveđu leukozu krupnih preživara planiramo uz sistematizaciju gazdinstava vratiti na nivo prije Pandemije što bi u konačnici bilo za nekih 20% više nego u 2021.godini

Planom smo zacrtali ispitati oko 900 grla krupne stoke na ove dvije bolesti. Ove aktivnosti usko su vezane za Ured za Veterinarstvo BiH koje snosi troškove dijagnostičkih i laboratorijskih ispitivanja. Zbog manjka proračuna tokom pandemije imali smo za posljedicu smanjen broj odobrenih dijagnostičkih ispitivanja od strane Ureda za veterinarstvo.

Zadnje informacije koje smo dobili od Ureda ukazuju da bi bilo realno očekivati ispunjenje ovog plana.

- Plan ostvarivanja dijagnostičkih ispitivanja na TBC goveda

U 2022. god planiramo ispitati i oko 1000 goveda na tuberkulozu goveda. Planirani obim ovih ispitivanja je za 30% veći od ostvarenih rezultata u 2021 i dijelom će ga financirati Federalno ministarstvo poljoprivrede a dijelom ćemo ga sprovesti o trošku vlasnika farmi tovni junadi.

- Nastavit ćemo aktivnosti sprovođenja obilježavanje životinja sa ažuriranjem brojnog stanja broja goveda na terenu tako da ćemo imati potpuniju sliku stočnog fonda na teritoriji općine Maglaj.

- Plan sprovođenja dijagnostičkih ispitivanja na brucelozu i vakcinaciji malih preživara u 2022. god

Situacija sa Covid 19 pandemijom uveliko je imala uticaj na ostvarivanje plana vakcinacije malih preživara protiv bruceloze u 2020. i 2021. godini što je imalo za posljedicu potpuni izostanak vakcinacije malih preživara. Ured za veterinarstvo nije uspio obezbijediti dovoljan broj vakcine za potrebe vakcinacije te shodno tome nismo uspjeli ostvariti planirani obim vakcinacije malih preživara u 2020 i 2021. god .

Od Ureda za veterinarstvo dobili smo pouzdanu informaciju da će se izostala vakcinacija sprovesti u 2022.godini te smo je uvrstili u plan i program rada za 2022. U vrijeme potpisivanja ovog Plana možemo samo reći da već na „čekanju“ za vakcinaciju imamo oko 2000 grla što bi donijelo značajne aktivnosti i izvor prihoda u proljeće. Samo da pomenemo da u 2021. nismo imali ni jedan slučaj zaraženih ovaca brucelozom što je svojevrsan uspjeh.

- Planom je obuhvaćena i laboratorijska pretraga na brucelozu malih preživara. U 2022. Ispitat ćemo oko 400 novih grla u cilju sprečavanja zarazne bolesti bruceloze.

- Plan suzbijanja i iskorjenjavanja bolesti pčela

U 2021. god nastavit ćemo inače u zadnje dvije godine dobru saradnju sa Udruženjem pčelara općine Maglaj i nastojati da prevaziđemo probleme s kojima smo se susretali u 2021.(bolest Američke gnjiloće pčelinjeg legla) Izvršit ćemo klinički pregled svih pčelinjih zajednica i

pokušati povećati broj laboratorijskih pretraga na brzo otkrivanje ovih pčelinjih zaraza te pokušati identificirati napuštene, sumnjive i oboljele pčelinjake.

- Plan vakcinacije i uvođenja u jedinstveni registar kućnih ljubimaca. Ovo je dio aktivnosti kojoj smo u 2020. i 2021. posvetili mnogo više pažnje nego u dosadašnjem periodu i ostvarili jako dobre rezultate. Pokušat ćemo u cijelosti sprovesti akciju obaveznog označavanja i identifikacije kućnih ljubimaca (čipovanja) i realizirati broj od 1000 vakcinisanih pasa u 2022. god na našoj općini.
- Plan ostvarivanja usluga vještačkog osjemenjavanja i liječenja životinja
Planirano je da obim ovih usluga ostane na razini iz prethodnih godina s tim što će akcenat biti na nastavljanju povećanog obima pruženih intervencija na malim životinjama i kućnim ljubimcima.
- Uz ove redovne aktivnosti obavljat ćemo stalne veterinarsko zdravstvene nadzore nad objektima za klanje životinja, prerade mesa te objektima gdje se meso obrađuje, dorađuje i šalje u unutrašnji promet.

Ovo bi bile u kratkim crtama najznačajnije stavke plana i programa veterinarske stanice Maglaj za 2021 god i koji ima i realne osnove da u pretstojećem periodu bude realizovan.

- Uz ove aktivnosti imamo i plan da se u najskorije vrijeme pristupi u organizaciju Dog-Trust. Aplicirat ćemo kako bi ušli u veliku porodicu ove organizacije. Od 2022. Ova organizacija traži i širu podršku lokalne zajednice tako da ćemo što tješnje sarađivati sa općinom Maglaj da iznađemo rješenja za prihvata pasa lualica napuštenih pasa i pronalaženju lokacije za sklonište za životinje. Materijalno tehničke uslove smo velikim dijelom obezbijedili u 2021. godini.
- U protekloj godini u potpunosti smo opremili rashladnu komoru za prihvata i postmortalni veterinarsko zdravstveni pregled odstrijeljene divljači. Dobijanje veterinarsko kontrolnog broja za istu pitanje je vremena a čime bi usluge Vet. stanice Maglaj prema LD-u „SOKO“ Maglaj bile upotpunjene.

- Nastavljamo sa opremanjem hiruške sale i prostorije za rekonvalescenciju životinja nakon operativnih zahvata.
- Pored ovoga planirana je izgradnja prve faze skloništa za prihvat pasa lualica i napuštenih pasa sa pratećim tretmanom za iste. Obzirom da J.P. Veterinarska stanica Maglaj ove radove i ulaganja isključivo financira iz svojih sredstava nadamo se da ćemo uspjeti do kraja proljeća ove radove i okončati i staviti u funkciju.

Mislimo da Plan i program rada za 2022. imaju realne osnove za realizaciju.

Maglaj 17.02.2022.



DIREKTOR

Šehović H. Amer
dr. vet. med.